

23404



Broj : 04-27-35034/16
Sarajevo: 21.12.2016. god.

27-12-2016

01
4. redovno sjed-nice
[Handwritten signature]

Općina Ilidža
Butmirska cesta br. 12, Ilidža

Predmet: Obavjest

Općina Ilidža – Općinsko vijeće uputilo je dopis broj 01-02-4979/16-1 od 08.12.2016. godine Ministarstvu saobraćaja Kantona Sarajevo sa zahtjevom za ponovnu uspostavu autobuske linije Hrasnica - Vijećnica.

Prijevoznici koji su obavljali prijevoz na relaciji Hrasnica – Vijećnica isti su obavljali bez registrovanog „Reda vožnje“.

Postupajući u skladu sa “Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo” (“Sl. novine Kantona Sarajevo” broj: 28/09), Ministarstvo je raniji zahtjev Općine Ilidža za registraciju nove linije Hrasnica – Vijećnica (komercijalna linija) uputilo Komisiji za izradu mreže linija na području Kantona Sarajevo za javni linijski prijevoz putnika na razmatranje.

Na II sjednici Komisije za izradu mreže linija na području Kantona Sarajevo za javni linijski prijevoz putnika, održane dana 22.04.2016. godine razmatran je zahtjev za registraciju nove autobuske linije Hrasnica – Vijećnica (komercijalna linija), i donesen je slijedeći zaključak:

Nakon provedene diskusije po pitanju uspostave kantonalne autobuske linije Hrasnica – Vijećnica, u koju su se uključili svi članovi komisije konstatovano je da zahtjev nije opravdan.

Obrazloženje: Predloženi itinerer (trase) linije se u potpunosti poklapa (ima zajedničku trasu) sa trasom autobuske linije broj 27 Ilidža – Hrasnica i tramvajske linije broj 3 Ilidža – Bašćaršija. Prijedloženi terminusi i stajališta na liniji su identični (ima zajednička stajališta) kao na autobuskoj liniji broj 27 Ilidža – Hrasnica i paralelna stajališta tramvajske linije broj 3 Ilidža – Bašćaršija.

Pored toga predloženi itinerer nove autobuske linije Hrasnica – Vijećnica ima dio zajedničke trase sa linijama: autobuska linija broj 27a Ilidža – Sokolovići, autobuska linija broj 27b Ilidža - Kovači (Hrasnica), autobuska linija broj 31e Vijećnica – Dobrinja, tramvajska linija broj 6 Skenderija – Ilidža i tramvajska linija broj 4 Željeznička stanica – Ilidža.

Linija Hrasnica – Vijećnica sa predloženim itinererom i stajalištima bi u potpunosti bila paralelna linija (imala zajedničku trasu i zajednička stajališta) sa već registrovanim linijama, a u najvećem dijelu paralelni prijevoz sa ekološki prihvatljivim prijevozom (tramvajski), takođe bi u dobroj mjeri isti ometala i usporavala.



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



Pravilnikom razmatranja zahtjeva za registraciju autobuske linije Harasnica – Vječnica Ministarstvo je uzelo u obzir i odredbe „Pravilnika o načinu, kriterijima, ovjeri i registraciji redova vožnje, te sadržaju i načinu vođenja registra“ u kojem su propisani uslovi za odobravanja i registracije redova vožnje. U toku postupka usklađivanja redova vožnje, bez obzira na rang linije, prijevoznik koji ima registrovan red vožnje može prigovarati svojim polaskom ili povratkom iz starog reda vožnje na novi red vožnje.

Kod ovog konkretnog slučaja bitno je istaći da prijevoznik sa starim redom vožnje, na liniji do 25 km, može osporavati novi red vožnje ako u svom starom redu vožnje ima najmanje tri zajedničke stanice ili stajališta na autobusnoj ili trolejbusnoj liniji, ili najmanje četiri zajednička stajališta na tramvajskoj liniji, bez obzira na dužinu zajedničke trase linija.

Ministarstvo će i u narednom periodu u postupcima modifikacije mreže linija postupati u skladu sa “Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo” (“Sl. novine Kantona Sarajevo” broj: 28/09).

S poštovanjem

Dostaviti:

- ① Naslovu
- Evidencija
- Arhiva



MINISTAR

Dr.sc Mujo Fišo



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

